



Bosnia and Herzegovina
AGENCY FOR STATISTICS OF
BOSNIA AND HERZEGOVINA

Broj: 11-16-4-512-29/16
Sarajevo, 05.09.2016. god

Na osnovu člana 64. Člana 68, člana 70. Člana 72 člana 88. i člana 89. Zakona o javnim nabavkama BiH («Službeni glasnik BiH» broj 39/14) i Preporuke Komisije za javne nabavke broj 11-16-4-512-10/16 od 15.08.2016. godine, direktor Agencije za statistiku BiH donosi:

ODLUKU
o izboru ponuđača

Ugovorni organ - Agencija za statistiku BiH u postupku nabavke robe – Uredski namještaj i oprema – LOT 2 (JRJN 39100000-3) za potrebe Agencije za statistiku BiH, koja se provodi u skladu sa članom 88. i članom 89. Zakona o javnim nabavkama, a po odluci za nabavku predmetne robe broj: 11-16-4-512-1/16 od 26.04.2016. godine, postupajući u skladu sa članom 68. ZJN i članom 72. izabran je drugorangirani ponuđač “Golubović” d.o.o. Istočna Ilidža sa ponuđenom cijenom u iznosu od 3.369,60 KM sa PDV-om i rokom isporuke 1 (jedan) dan, (ponuda 86/16 od 04.08.2016. godine).

Obrazloženje

Agencija za statistiku BiH je uputila na više adresa tri (3) poziva za nabavku robe – Uredski namještaj i oprema 29.07.2016. godine, a istovremeno je objavila i Obavještenje o nabavci na portalu Agencije za javne nabavke (11-7-1-7-3-10/16).

Na gore navedeni poziv prijavilo se ukupno tri (3) ponuđača i to:

1. 89-01-0021-09 „Golubović“ d.o.o I. Ilidža sa ponuđenom cijenom u iznosu od 3.369,60 KM sa PDV-om i rokom isporuke 1 (jedan) dan.
2. 65-01-0082-12 „FEF“ d.o.o Sarajevo sa ponuđenom cijenom u iznosu od 3.112,20 KM sa PDV-om i rokom isporuke 1 (jedan) dan.
3. 65-01-0883-09 „SBO“ d.o.o. Sarajevo sa ponuđenom cijenom u iznosu od 4.249,46 KM sa PDV-om i rokom isporuke 30 (trideset) dana.

Komisija je izvršila analizu pristiglih ponuda i konstatovala da iste ispunjavaju tražene uslove iz TD i kao takve su prihvatljive ponude. Analizirajući i vršeći ocjenu ponuda u skladu sa članom 65. ZJN i postavljenim kriterijima u tenderskoj dokumentaciji (TD) (cijena i rok isporuke), komisija je pristupila bodovanju i rangiranju pristiglih ponuda za predmetnu nabavku, te formirala rang listu najpovoljnijih ponuda kako slijedi:

1. “FEF” d.o.o. Sarajevo, sa ponuđenom cijenom 3.112,20 KM sa PDV-om i rokom isporuke 1 (jedan) dan = 100 bodova.
2. “Golubović” d.o.o. I. Ilidža, sa ponuđenom cijenom 3.369,60 KM sa PDV-om i rokom isporuke 1 (jedan) dan = 93,60 bodova.
3. “BSO” d.o.o. Sarajevo, sa ponuđenom cijenom 4.249,46 KM sa PDV-om i rokom isporuke 30 (trideset) dana = 59,00 bodova.

Kao najpovoljnija ponuda ponuđača sa kojim ugovorni organ namjerava zaključiti ugovor o predmetnoj nabavci je ponuda br. 122/KA-04082016-II/TD L1/L2 od 04.08.2016.

godine ponuđača "FEF" d.o.o. Sarajevo sa ponudnom cijenom u iznosu od 3.112,20 KM sa PDV-om za traženu robu i rokom isporuke 1 (jedan) dan. S obzirom da je ponuda ponuđača "FEF" d.o.o. Sarajevo ocjenjena kao ekonomski najpovoljnija i sa maksimalnim brojem osvojenih bodova, Komisija za nabavku predlaže prihvatanje iste i daje Preporuku ugovornom organu da se u skladu sa članom 70. ZJN donese odluku o izboru najpovoljnijeg ponuđača.

Nakon razmatranja i ocjene navedene ponude ("FEF" d.o.o. Sarajevo br. 122/KA-04082016-II/TD L1/L2 od 04.08.2016. god.) koja ispunjava uslove iz poziva, na sastanku održanom dana 08.08.2016. gdje je sačinjen zapisnik broj:11-16-4-512-9/16, Komisija za nabavke je u skladu sa članom 65. ZJN zaključila da da preporuku za izbor ponude firme "FEF" d.o.o. Sarajevo. Komisija je posebnom odlukom tj. Preporukom broj 11-16-4-512-13/16 od 15.08.2016. godine predložila ugovornom organu izbor najuspješnijeg ponuđača za zaključenje ugovora, za predmetnu nabavku robe – Uredski namještaj i oprema – LOT 2 sa ponudnom cijenom u iznosu od 3.112,20 KM sa PDV-om i rokom isporuke 1 (jedan) dan.

Ugovorni organ Agencija za statistiku BiH je 16.08.2016. godine donijela odluku o izboru najuspješnijeg ponuđača za nabavku robe – uredski namještaj i oprema – LOT 2 – u kojoj je kao najpovoljniji ponuđač izabrana firma "FEF" d.o.o. Sarajevo. Odluka o izboru je dana 19.08.2016. godine putem e-maila dostavljena svim učesnicima u predmetnom postupku nabavke. Izabrani ponuđač "FEF" d.o.o. Sarajevo je bio dužan da u roku od 5 od dana prijema odluke dostavi traženu dokumentaciju iz TD u skladu sa članom 45. ZJN.

Komisija za javne nabavke je na sastanku održanom 05.09.2016. godine utvrdila da izabrani ponuđač u postupku javne nabavke uredskog namještaja i opreme – LOT 2 firma „FEF“ d.o.o. Sarajevo nije dostavio traženu dokumentaciju iz TD, odnosno dokaze o ispunjavanju uslova iz člana 45. ZJN u roku od pet (5) dana koje mu je postavio ugovorni organ u Odluci o izboru najuspješnijeg ponuđača broj: 11-16-4-512-14/16 od 16.08.2016. godine. Također izabrani ponuđač „FEF“ d.o.o. Sarajevo je ugovornom organu dana 19.08.2016. godine uputio pismo namjere/obavjest broj: 122/KA-15082016-PN u kojem obavještava ugovorni organ da ne može prihvatiti ponuđeni ugovor i da se povlači iz cjelokupnog predmetnog postupka.

Imajući u vidu sve gore navedeno, te u skladu sa čl. 72. i čl. 68. ZJN BiH ugovorni organ Agencija za statistiku BiH je donio odluku za zaključenje ugovora za nabavku uredskog namještaja i opreme – LOT 2 sa drugorangiranim ponuđačem firmom „Golubović“ d.o.o. Istočna Ilidža čija je ponuda po rang-listi odmah nakon ponude najuspješnijeg ponuđača.

Ugovorni organ će sa izabranim ponuđačem (po pravosnažnosti ove odluke) zaključiti ugovor u kojem će se precizirati uslovi i vrijeme realizacije ponude izabranog ponuđača.

Ova odluka objaviće se na web stranici Agencije za statistiku BiH u skladu sa članom 70. ZJN.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. ZJN.

Pouka o pravnom lijeku: Protiv ove Odluke o izboru najpovoljnijeg ponuđača može se izjaviti žalbu u skladu sa članom 99. i 101. ZJN. Žalba se podnosi ugovornom organu. Agencija za statistiku BiH Zelenih beretki 26 71 000 Sarajevo.



Direktor

Mr. sc. Velimir Jukić

Dostaviti: - Ponuđačima
- a/a